



XALQ DEPUTATLARI SURXONDARYO VILOYATI ANGOR TUMAN KENGASHINING QARORI

190200, Angor q, Al-Hakim at-Termiziy ko'chasi 58-uy, tel.: 0(376) 31-22-012, faks: 0(376) 31-22-012

2023 - yil 13 - sentabr

VI-65-179-8-109-K/23

Angor tuman hokimligi

Mahalliy budjetning qo'shimcha manbalari hisobidan ajratilgan mablag'larni ko'rib chiqish va ulardan foydalanilishi ustidan nazorat o'rnatilganligi bo'yicha tuman iqtisodiyot va moliya bo'limi rahbarining hisoboti to'g'risida

O'zbekiston Respublikasining "2023-yil uchun O'zbekiston Respublikasining Davlat budjeti to'g'risida"gi O'RQ-813-sonli qonuni bilan 2023-yil 2-chorak yakuni bo'yicha belgilangan daromadlar rejasining orttirib bajarilgan qismi 4 148,0 mln.so'mni tashkil etganligi va ushbu manbalardan ajratilgan mablag'lar yo'nalishi quyidagicha.

Jumladan, budjet ma'lumotlarining ochiqligini va budjet jarayonida fuqarolarning faol ishtirokini ta'minlash tadbirlari uchun 1244,0 mln.so'm ya'ni 30 foizi.

Aholini ijtimoiy himoyalashga xarajatlari uchun 1344,4 mln so'm.

Jumladan, O'zbekiston Respublikasi Vazirlar Mahkamasining 2022-yil 7-iyundagi «Yoshlar muammolarini o'rganish va hal etish tizimini yanada takomillashtirish chora-tadbirlari to'g'risida»gi 312-sonli qarori ijrosi yuzasidan tuman hokimligi huzuridagi «Yoshlar daftari» jamg'armasiga 622,2 mln.so'm ya'ni 15 foizi.

O'zbekiston Respublikasi Vazirlar Mahkamasining 2022-yil 31-martdagi "Xotin-qizlar muammolarini o'rganish va hal etish tizimini yanada takomillashtirish chora-tadbirlari to'g'risida"gi 145-son qarori ijrosi yuzasidan tuman hokimligi huzuridagi "Ayollar daftari" jamg'armasiga 622,2 mln.so'm ya'ni 15 foizi.

O'zbekiston Respublikasi Vazirlar Mahkamasining 2020-yil 22-aprel kunidagi №213-f sonli farmoyishiga asosan "Mahalla" xayriya jamoat fondi Angor tuman bo'linmasi "Saxovat va ko'mak jamg'armasi"ga mablag'larni shakllantirish uchun 100,0 mln.so'm ya'ni 2.5 foizi.

Hududlarni ijtimoiy-iqtisodiy rivojlantirish maqsadlari uchun 522,4 mln so'm.

Jumladan, "Obod qishloq" davlat dasturi asosida tumandagi "Tallimaron" mahallasida piyodalar yo'lakchasini qurish xarajatlari uchun 245,0 mln.so'm ya'ni 6

foizi.

Tumandagi "Motamsaro ona" haykali monumentining koʻrinishini oʻzgartirish maqsadida qurilish materiallari sotib olish xarajatlari uchun 250,0 mln.soʻm yaʼni 6 foizi.

Oʻzbekiston Respublikasi Prezidentining 2021-yil 9-dekabrda PF-32-sonli Farmoni ijrosi yuzasidan Sharq guli mahallasida qurilayotgan «Yangi Oʻzbekiston» massivi hududidan bolalar maydonchasi qurish uchun 27,4 mln.soʻm yaʼni 1 foizi.

Tuman hokimligi va boshqa budjet tashkilotlarini taʼmirlash va moddiy texnika bazasini mustahkamlash hamda ish haqi va unga tenglashtirilgan toʻlovlar uchun 1037,2 mln.soʻm mablagʻlar ajratilgan boʻlib, ushbu mablagʻlar Oʻzbekiston Respublikasi Prezidentining 2022-yil 14-fevraldagi PQ-128-son qarorida belgilangan talablarni inobatga olib tuman hokimligi hamda mutasaddi tashkilotlarning tuman budjetining qoʻshimcha manbalari hisobidan mablagʻ ajratish yuzasidan kiritgan takliflari 10 kun muddatga «E-qaror» elektron tizimiga joylashtirgan xolda jamoatchilik fikri inobatga olib, tumani mahalliy budjetining 2023-yil 2-chorak yakuni boʻyicha belgilangan daromadlar rejasining orttirib bajarilgan qismi hisobidan mablagʻ ajratish toʻgʻrisidagi xalq deputatlari tuman Kengashi tarkibi bilan maʼqullab, Kengash qaroriga muvofiq mutasaddi tashkilotlar tomonidan tasarruf etilgan.

Yuqoridagilarni inobatga olib, mahalliy budjet ijrosi, shuningdek hudud salohiyatidan kelib chiqqan holda mahalliy budjet daromadlarining qoʻshimcha manbalarini shakllantirish hamda qoʻshimcha manbalardan foydalanish yoʻnalishlari, jumladan, mahalliy budjet daromadlarini oshirish maqsadida xalq deputatlari tuman Kengashi

QAROR QILADI:

1. Mahalliy budjetning qoʻshimcha manbalari hisobidan ajratilgan mablagʻlarni koʻrib chiqish va ulardan foydalanilishi ustidan nazorat oʻrnatish toʻgʻrisida tuman iqtisodiyot va moliya boʻlimi boshligʻi S.Kuchkarovning bergan hisoboti maʼlumot uchun qabul qilinsin.

2. Tuman hokimining birinchi oʻrinbosari (O.Muratov), tuman iqtisodiyot va moliya boʻlimi (S.Kuchkarov) va xalq deputatlari tuman Kengashi huzuridagi Mahalliy budjetni shakllantirish va ijro etish, iqtisodiy islohotlarni amalga oshirish va tadbirkorlikni rivojlantirish masalalari boʻyicha doimiy komissiyasi (R.Kabulova)larga;

mahalliy budjet daromadlarini oshirishning qoʻshimcha rezervlarini aniqlash choralari koʻrish;

2023-yil yakunida ham mahalliy budjetning daromadlar qismi ijrosi ortigʻi bilan bajarish boʻyicha barcha amaliy choralarni koʻrish;

oshiqcha daromadlar birinchi navbatda O‘zbekiston Respublikasi Prezidentining hududlarga tashrifi davomida belgilangan tadbirlarga, Hukumat qarorlari, bayonlari va dasturlardagi tadbirlarga yo‘naltirish vazifalari yuklatilsin.

3. Tuman hokimligi matbuot xizmati G.Jumayeva ushbu sohada amalga oshirilayotgan ishlarni ommaviy axborot vositalarida hamda ijtimoiy tarmoqlarda keng yoritilib borilishini ta‘minlasin.

4. Yuqoridagi belgilangan vazifalar ijrosi yuzasidan har oyda tegishli mansabdor shaxslar tomonidan xalq deputatlari Angor tumani Kengashiga yozma axborot kiritib borsin.

5. Ushbu qarorning ijrosini nazorat qilish tuman hokimi birinchi o‘rinbosari hamda xalq deputatlari tuman Kengashi huzuridagi Mahalliy budjetni shakllantirish va ijro etish, iqtisodiy islohotlarni amalga oshirish va tadbirkorlikni rivojlantirish masalalari bo‘yicha doimiy komissiyasi (R.Kabulova)larga zimmasiga yuklatilsin.

6. Ushbu qaror qabul qilingan kundan e‘tiboran kuchga kiradi.

Kengash raisi



Q.Mardonov